



SAKSPAPIR

Saksnr	Utval	Type	Dato
50/2020	Formannskap/plan- og økonomiutvalet	PS	08.09.2020
57/2020	Kommunestyret	PS	22.09.2020

Sakshandsamar	Arkiv	ArkivsakID
Oddbjørg Vestrheim		20/483

TILBOD OM OVERTAKING AV DAM TROLLKJELEN, VAKSDAL

Vedlegg:

200526_Vaksdal_kommune_framlegg_Trollkjeldammen

HØYRINGSUTTALE - NEDLEGGING/FJERNING AV DAM TROLLKJELEN, VAKSDAL

NVE ber om tilleggsundersøking for nedlegging av dam Trollkjelen

Fråsegn til melding om riving av dam Trollkjelen, Vaksdal kommune, Vestland.PDF

Uttale vedr Høyring av melding om riving av dam Trollkjelen.PDF

Trollkjelen_riving_Vaksdalsvassdraget_uttale.PDF

VS_ Vedr konsesjonssøknad om fjerning av Trollkjeldammen, Vaksdal (vår sak 2020_6579 – dykkar referanse 202001130-4). .PDF

Fylkesmannen har ingen merknad til melding om å rive dam Trollkjellen – Vaksdal.PDF

Rådmannen sitt framlegg til vedtak:

1. Vaksdal kommune ynskjer ikkje å overta dam Trollkjelen på Vaksdal.
2. Saka vert sendt vidare til kommunestyret for endeleg avgjerd.

Formannskap/plan- og økonomiutvalet - Sak 50/2020

FPØ - Behandling:

Formannskapet drøfta saka

Samrøystes vedteke

FPØ - Tilråding/Vedtak:

Formannskapet si innstilling til kommunestyret:

Vaksdal kommune ynskjer ikkje å overta dam Trollkjelen på Vaksdal.

Kommunestyret - Sak 57/2020

KOM - Behandling:

Formannskapet si innstilling vart samrøystes vedteke.

KOM - Tilråding/Vedtak:

Vaksdal kommune ynskjer ikkje å overta dam Trollkjelen på Vaksdal.

Saksopplysningar:

Vaksdal kommune har fått oversendt eit brev frå Småkraft AS med tilbod om å overta dam Trollkjelen på Vaksdal vederlagsfritt for kommunen. Småkraft AS tilbyr også kommunen ein eingongsstønad på kr 1 500 000,- i samband med ei slik overdraging.

Samandrag

Vaksdal kommune fekk oversendt til høyring melding om riving av dam Trollkjelen frå Noregs vassdrags- og energidirektorat (NVE) den 17.04.2020. Tiltakshavar Småkraft AS hadde bede NVE om ei førehandsvurdering av konsesjonsplikt for riving av dam Trollkjelen i Vaksdal. Saka er under handsaming av NVE etter vassressurslova, slik at kommunen var ein rein høyringspart i dette tilfellet.

Samtlege høyringspartar har rådd i frå riving, og vurdert at meldinga må konsesjonshandsamast. NVE har i brev datert 09.06.2020 bede Småkraft AS om å føreta tilleggsundersøkingar i høve til lokal identitet, kulturarv, landskapsbilete, landemerke, kulturminne, industrihistorie og flaumsituasjonen etter riving. NVE har vidare sett krav om at tilleggsundersøkinga skal utførast av ein uavhengig sakkunnig, og dei har konkludert med at meldinga er konsesjonspliktig. NVE har til slutt i sitt brev nemnt moglegheita for at andre interessentar kan overta anlegget.

I samband med dette mottok kommunen eit tilbod frå Småkraft AS om å overta dam Trollkjelen vederlagsfritt for kommunen. Dei tilbyr også ein eingongsstønad på kr 1 500 000,- i samband med ei slik overdraging.

Formelt lovgrunnlag

Utdrag frå vassressurslova.

§ 41.(adgangen til å nedlegge vassdragsanlegg)

Hvis eieren av et vassdragsanlegg ikke lenger vil holde anlegget ved like, skal anlegget fjernes og vassdraget så langt som mulig tilbakeføres til forholdene slik de var før anlegget ble bygd. Før en

nedlegging skal eieren gi alle interesserte underretning god tid i forveien.

Hvis nedlegging kan føre til påtakelig skade eller ulempe for allmenne interesser, kreves konsesjon etter § 8. Konsesjon skal gis om ikke særlige grunner taler imot. Vassdragsmyndigheten kan sette vilkår i konsesjonen etter reglene i § 26.

Vassdragsmyndigheten kan gi konsesjon til at nedlegging skjer på annen måte enn nevnt i første ledd, hvis det ikke vil medføre noen økt fare eller skade.

§ 42.(overføring av vassdragsanlegg i stedet for nedlegging)

Vassdragsmyndigheten kan overføre et vassdragsanlegg som ønskes nedlagt til noen som ønsker det opprettholdt, om ikke eieren da frafaller nedlegging.

Vurdering og konsekvensar

Kommunen har fått eit tilbod frå Småkraft AS om å overta dam Trollkjelen vederlagsfritt, og med ein eingongsstønad på kr 1 500 000,-. Småkraft har i sitt brev sjølv vurdert at vedlikehaldsoppgåvene medfører ein kostnad som dei ikkje er villige til å ta:

«Krav om utbetring, årleg tilsyn og oppfølging med nødvendige tiltak for å sikre nødvendig stabilitet og tryggleik i flaumsituasjonar medfører kostnader som Småkraft ikkje finn det naturleg å ta.»

Dei nemner også kostnader med ei eventuell riving av dammen:

«Småkraft vil med ei slik løysing sleppe kostnadene til sjølv rivinga, og er difor villige til å yte ein eingongsstønad til kommunen på opptil kr 1.500.000,- i samband med ei slik overdraging.»

Det er positivt at Småkraft kjem med eit slikt tilbod til kommunen for å ivareta Trollkjelsdammen. Men spørsmålet er kva langsiktige økonomiske konsekvensar og krav til ressursar ei overtaking vil medføre for kommunen. Me veit at klimaet er i endring, og det kan bli stilt større krav til årleg tilsyn, vedlikehald og utbetring enn det er i dag, med tanke på mellom anna å tryggja jernbanen og bygningsmasse som er lokalisert nedstraums Trollkjelsdammen. Rådmannen rår til at kommunen avslår tilbodet om å overta dammen.